

江西方輿紀要叙

江西之有九江也險在門戶間者也此夫人而知之也
江西之有贛州也險在堂奧間者也此夫人而知之也
棄門戶而不守者敗爭門戶之間而不知堂奧之乘吾
後者敗棄堂奧而不事者敗爭堂奧之內而不知門戶
之擣吾虛者敗然則重門戶而固堂奧遂可以必不至
於敗乎曰不能何以知其然也重門戶人知我之專事
門戶也強鄰厭吾西勁敵扼吾東欲於門戶之外闢方
寸之地而不可得則門戶爲無用矣固堂奧人知我之
專事堂奧也牆垣溝池可以阻寇之來而寇亦卽限我

於牆垣溝池之內甚且或伺其旁或乘其隙堂奧可終恃乎且以十萬之衆萃於江沱以十萬之衆屯於嶺下自大庾至潯陽南北懸絕千八百有餘里而饒信諸州以東袁吉諸州以西敵來之路凡十餘處四面拮据必有一懈懈則敵乘之而入矣且夫轉輸則農業廢救援則兵力疲陸行病於沮澤之多水行苦於灘險之遠敵縱未入吾境而我先坐困猶謂江西之地可以坐保一隅而無患哉然則戰乎曰以九江戰則跼踖於水濱以贛州戰則崎嶇於山谷戰未可以必勝也然則何取於江西曰以江西守不如以江西戰戰於江西之境內不

如戰於江西之境外何以知其然也從來善用兵者如
風如雨如雷如霆如猛獸之發如鷲鳥之擊而後可言
戰敵人備武昌我則攻皖口敵人備皖口我則攻武昌
我方攻武昌皖口之防未密我卽下皖口我方攻皖口
武昌之備必疎我卽下武昌事在金陵則不攻武昌不
攻皖口而疾捲金陵可也不然出淮東以震山左出淮
西以動中州可也或沿江而下乎或泝江而上乎或逾
江而北乎我之所攻者一敵之所備者十敵必不能以
備我矣然則江西遂棄不守乎曰非不守也守易而戰
難以九江贛州城高池深苟得其人雖疲兵敗甲猶可

守也次則袁州廣信各畱數千人守之與南昌互爲形援足矣且我方提兵四出橫行中原敵必心懾氣沮未暇爲潛師入境之謀卽或有之吾平日之節制尙足以維持於不敗甚而敗焉吾得淮南山左之一郡不以易江西之全壤也且與其以守失之毋寧以戰失之向使舉一二千里之地數十萬之人而束戈戡刃置之於無所用如趙括之於長平馬謖之於街亭求與敵一戰而死亦不可得不亦哀哉然則可戰之勢獨在九江乎曰然自昔用九江者其成其敗亦燦著矣吾獨怪劉宋之子勛其舉事於江州也亦旣有四方之全勢而卒死於

江州則子勛幼穉鄧琬庸下之過也近時陳友諒之用
江州也吾滋惑焉友諒以徐壽輝之欲遷隆興爲非策
也旣殺壽輝遂都江州當其初恣睢暴橫氣吞江東似
乎知用上流之勢卽師徒再喪西據武昌亦未爲失計
何以舉軍而東不爭江州而爭洪都自速其亡也使友
諒疾擊江州東扼湖口洪都必震更或順流直下徑襲
安慶吾意是時安慶方恃江州之蔽備必稍怠襲之可
得也旣得安慶江州友諒故都爾翻城相應事所宜有
洪都之去金陵千五百餘里道路懸隔勢不相救不且
爲友諒囊中物哉計不出此乃以舟師悉指洪都前有

堅城之拒後有湖口之隘使我得從容赴救一戰而斃
之兵法師雖深入還道宜利友諒固未之前聞也或曰
洪都鄰接武昌友諒攻之似爲肘腋慮使友諒旣東洪
都舉軍而踰脩水越西塞以爭武昌奈何曰吾又知其
不然也自洪都以西道皆僻遠勢未易達友諒雖東武
昌其根本之地守亦必嚴且友諒旣長驅江上兵力雄
盛爲洪都者亦自固不暇攻武昌哉曰贛州於南
昌如何曰贛州又非九江比也宸濠以南昌之衆奪南
康九江疾趨而東是也使不攻安慶竟掩金陵王守仁
雖舉勤王之兵自吉安而北復南昌向九江而濠之勢

已成天下向背正未可知幸天奪其魄周章狼戾一至
此也然則贛州於南昌有時可以不慮南昌於江西有
時可以不守贛州有變固守南昌以拒之可也甚則急
扼湖口力固尋陽使不得輒出於大江而後圖所以制
之可也昔華歆以豫章敗於孫策何無忌以豫章敗於
徐道覆操師乞以豫章敗於劉子翊林士宏以豫章敗
於蕭銑鍾匡時以洪州敗於秦裴南昌不必爲險固之
地也林士宏失豫章而保餘干恃彭蠡之阻也又棄餘
干而保虔州恃贛州之險也然贛州自守或易攻人亦
難五代盧光稠據虔州而事中朝支吾不過數年及譚

全播之時卒并於淮南矣徐道覆出南康而北陳霸先
出南康而北蕭勃之衆亦出南康而北時勢各殊成敗
迥異未可同日語也王守仁之出贛州亦時勢宜然論
者不察謂贛州與南昌有不兩存之勢嗚呼何其暗於
大計哉惟九江在江西誠爲噤吭之地自三國迄今從
北而南未有不得尋陽而可以圖洪州者明太祖一克
江州而隆興以南望風欬附陳友諒越江州而攻洪都
一敗而不復振矣嗚呼知贛州之可不慮而後可以用
南昌也知南昌之可不守而後可以用江西也知用江
西者不徒戰守於贛州九江之間而後可以有事於天

下嗚呼可不鑒哉

錦里龍萬善燮學校刊

江西

其曰揚州州城方亦曰東南雄揚州

楚之交戰國時屬楚其在天支斗分野也來并天下

九江郡候武蓋十三州此亦為揚州地後漢因之

時為吳地晉初亦屬揚州後劉宋揚州二州地增置

元末元初亦屬揚州

不無到箇个迴處

讀史方輿記要卷八十三

崑山顧祖禹景范輯著
南昌彭元瑞芸相校定

錦里龍萬育燮堂校刊

江西一

禹貢曰揚州周職方亦曰東南惟揚州

詳見江南春秋時爲

吳楚之交戰國時屬楚其在天文斗分野也秦并天下

屬九江郡漢武置十三州此亦爲揚州地後漢因之三

國時爲吳地晉初亦屬揚州後割荆揚二州地增置江

州

宋志惠帝元康元年始置江州領十郡治豫章成帝

咸康六年移治尋陽通釋惠帝始置江州傳綽爲刺史治武昌是江州初置於武昌

其後或移豫章又移尋陽也宋以後因之隋仍屬揚

州大業末爲蕭銑及林士宏所據唐分十道此屬江南

紀要

道開元中分置江南西道

治洪州今境內州郡悉屬焉

唐末併於淮

南後屬於南唐宋屬江南路天聖中亦分爲江南西路

仍治洪州紹興初嘗

移治江州尋復舊元置江西等處行中書省

至元十四年置

十五年移省於贛州

明年復還龍興

十七年并入福建行省十九年復故後陳友諒竊據其

地明初平之洪武九年置江西等處承宣布政使司領

府十三屬州一屬縣七十七

總爲里九千九百五十六里有奇夏秋二稅約二百

六十一萬六千三百六十九石有奇而衛所參列其間今仍爲江西布政

使司

南昌府

屬州一

縣七

南昌縣

附郭

新建縣

附郭

豐城縣

進賢縣

奉新縣

靖安縣

武寧縣

寧州

瑞州府 屬縣三

高安縣 附郭

上高縣

新昌縣

南康府 屬縣四

星子縣 附郭

都昌縣

建昌縣

安義縣

九江府 屬縣五

德化縣 附郭

德安縣

瑞昌縣

湖口縣

彭澤縣

饒州府

屬縣七

鄱陽縣

附郭

餘干縣

浮梁縣

樂平縣

德興縣

安仁縣

萬年縣

廣信府

屬縣七

上饒縣

附郭

玉山縣

弋陽縣

貴溪縣

鉛山縣

永豐縣

興安縣

建昌府

屬縣五

南城縣 附郭 南豐縣

新城縣

廣昌縣

瀘溪縣

撫州府 屬縣六

臨川縣 附郭 崇三縣

金谿縣

宜黃縣

樂安縣

東鄉縣

吉安府 屬縣九

廬陵縣 附郭 泰和縣

吉水縣

永豐縣

安福縣

龍泉縣

萬安縣

永新縣

永寧縣

臨江府 屬縣四

清江縣 附郭 新淦縣

新喻縣

峽江縣

袁州府 屬縣四

宜春縣 附郭 分宜縣

萍鄉縣

萬載縣

贛州府 屬縣十二

贛縣 附郭 雩都縣

信豐縣

興國縣 會昌縣

安遠縣

寧都縣 瑞金縣

龍南縣

石城縣 定南縣

長寧縣